


Il Multè fatal – brisant e documentar

La nova publicaziun da Valentin Vincenz resda da fetgas, temas e pitgiras dalla veta alpestra

DA MARTIN CABALZAR/FMR


■ «Il Multè fatal» senumma in niev roman da Valentin Vincenz che tracta denter auter la violenza sexuala, in dils pli stgirs e trests capetels ella historia dalla veta alpestra. Isidor Winzap ha presentau dacuort igl autur e si' ovra el ravugl dalla radunanza generala dalla Surselva Romontsch a Trun. Igl autur Valentin Vincenz (78) ei naschius a carschius si ad Andiast ed ei oz sesents a Buchs. El ha studegia romanistica, ha doctorau ed ei staus scolast da franzos e talian alla Scola cantunala a Sargans. El ha publicau numerusas ovras davart ils numbs locals dalla Val dil Rein songaglia. A sivit nativ d'Andiast ha el regalau in'ovra preiusa davart la derivonza, la derasazion e la muntada ils numbs da cultura. Valentin Vincenz vala sco expert renconuschii sil camp dalla toponomastica. Als lecturs da La Quotidiana eis el enconuschents sco columnist.

In trest capetel dalla historia sociala
Beincapiu: ei setracta buca d'in roman biografic, ils numbs dils protagoists ein inventai. «Semegiadetgnas cun persunas reals fussen veramein casuas», tradescha igl autur gia ell' introducziun per evitar speculaziuns fallidas. El ha denton viliu persunificat tut il mitgert, violent, obscene, nausch e diabolic che capitava ella veta alpestra ella persuna dil pastur Clò. E tonaton hagien er las sis stads ch'el sez hagi passentau – sco tons auters da sia posa – sco buob ad alp laschau anavos fastigts per sia veta entira, tradescha igl autur. Lunsch naven da casa, tut persuls denter glieud jastra. Il schar encrescher eri sgarscheivels e las larmas petras, denton ir culla brocca fussi stau ina vergugna per in buob. Cun siu niev roman ha



Valentin Vincenz, igl autur dil roman «Il Multè fatal».

FOTOS MAD



Frontspezi dil niev cudisch.

ters sin differentas alps veramein commess», confess Valentin Vincenz. Mo lezs ein morts gia dadit.

Violenza e vendetta

Gian ei in buob che crescha si sco miez ierfan el ravugl d'in vigt puril da muntogna ed ha entschiet gia cun otg onns sia carriera alpestra. Gian sco buob da tegia e purtger cun bab buntadeivel sco signun e siu camerat Curdin sco buob da vaccas cul paster Clò, in tip rubiesti, garmadi e primitiv. Negin che haveva simpatia per quei rampun, denton buna fumeglia d'alp era scarta. Ed ei vegn sco temiu: il paster emprova da surduvrar e violar il buob Curdin agl ur dalla cavoria dil mulin da glatsch nua ch'ina curdada mutta la segira mort. Al paster pign reussescha ei bein da sedeliberar da

siu turmentader, el emprova da mitschar sur ina punt prigulusa da lavina e croda ella profunditat nua ch'el ei sedisgraziatus mortalmein. Il paster Clò rauenta als organs d'inquisiziun in'autra historia, el ha denton fatg il quen senza Gian sco obeservatur zuppa dil schabett. El engira da far vendetta pigl entiert che ha caschau la mort da siu amigt e cusrin Curdin, quella daventa schizun pli crudelva che planisau e la spirala da disclretg sevolva vinavon senza retegn.

Gian ha la finala il cletg da puder rumper ora dalla strengadad dil vigt. Suenter la matura serenda el a Paris nua ch'el gauda ina veta plein ventura e success sco student e pli tard sco docent da litteratura franzosa. Suenter entgins onns da success entscheiva ina malsogna maligna dalla psichica a ruir en siu intern. Malsaus tu-

orna el en siu vigt natal, nua ch'el sesenta denton jasters e bandunaus. Il Multè fa valer sia influenza fatala. La historia pren alla fin ina viulta nunspitgada.

Truscha quotidiana, usits ed isonzas

Sco quei che Isidor Winzap – che ha era procurau per il correctorat – ha detg a caschun dalla presentaziun e prelecziu a Trun, ei il lungatg el roman da Valentin Vincenz «culonts, plastics, directs, concrets e senza firlefanzas». La raquintaziun ei plein tensiun e caztga da leger. La veta quotidiana en nos vits montagnards era da lezs onns era savens signada da paupradad. La lavur e truscha quotidiana era dictada dils basegns existenzials e dil ritmus dallas stagius. In tec variazion e distractiun ella monotonia dil mintgadi pertavan las fiastas ecclesiasticas e profanas, celebradas cun pumpa e parada. Era giugs d'affons ed usits ed isonzas dils carschi vegnevan tgirai cun premura. Il sclarament sexual eri munglus, la veta sexuala tabuisada ed abus savens cuscentai. Dabia ei semidau dapi lu era en nos vits montagnards, auter sil precint da svanir e novaziuns han midau buca mo l'urdadira, anzi era la tenuta da vischinas e vischins e la convivenza en nos vits. En quei senn ha l'ovra da Valentin Vincenz tuttavia era ina eminenta valeta documentara per il far e demandar en in vigt montagnard d'avon passa sianta onns. Sco quei ch'igl autur Valentin Vincenz ha sincerau enviers la FMR seigi la versiun romontscha megliera che la versiun oriunda tudestga cumparida igl onn vargau. Ella seigi pli autentica e metti empau auters accents.

Valentin Vincenz. *Il Multè fatal*. Casa editura Sarganserländer 2020. 156 paginas.

GLION

Mario Pacchioli da retuorn cun «Remas»

Gudiment musical e culinaric ella Cruna a Sumvitg

DA PAUL DUFF/FMR

■ Nies pievel spetga cun tensiun sin sentupadas musicalas e concerts. Quei ch'era usit, gie tradizion, d'entscheiver ils exercecxis da cant e musica suenter las vacanzas da stad, ei stau nunpusseivel uonn. La raschun ei enconuschenta a tuttas e tutas. La munconza da tals evenimenti ha fatg dil concert da Mario Pacchioli, daus treis gadas la davosa fin d'jamna el restaurant Cruna a Sumvitg, in eveniment culminont per numerusas vischinas e vischins. Il spetg emozional ha allura surveggiu ina capetscha zucherada da bunas tratas ord la cuschina dall'ustiera Yvonne Monn.

Deletg musical cun poesia romontscha

Tier la sentupada ha il covid-19 fatg rescchia cun decretar mascrinas e duida distanza. Il spazi dil restaurant ei aschia gleiti staus emplenius dils pli sperts amitgs da Pacchioli e da sia musica. Arrivaus si dalla Frontscha ord il marcau da Lyon ha el priu cun el las «Remas» per puspei schar resunar las bialas canzuns, creadas cun viarva dils pli renomai poets romontschs. Avon treis onns ha el creau e presentau il program che ha cattau in grond eco en nossa regiun e tochen ella Svizra franzosa. Las canzuns bein enconuschentas ord la registrazion dil disc cumpact ed ord il cudisch «Remas» han retschiert cumpignia dallas novas cumposizioni «Fegl, neu» da Hendri Spescha e «Segira enzenna» da Flurin Darms. Quella surpresa ha demussau ch'il musicist Pacchioli ei diligents e



Mario Pacchioli e siu clavazin ein in'unitad ed il resultat ei cultura musicala e linguistica enzugliada en «Remas».

FOTO PAUL DUFF

uonn. «Quei ei stau ina situaziun malguesa. Nus vevan aunc plirs concerts sil program leu egl ost e per la quarta gada havessen nus saviu separticipar al Festival d'Avignon. Per nies cletg ein ils contracts buca visai mobein spustai sin in termin pli tard.» Sco per biars auters artisti hai giu num da star a casa duront la perioda dil lockdown. «A Paris eran las controllas zun severas. Jeu mavel a cuorer el liber e vegnevel savens controllaus che quei cuozi buca dapli che l'ura lubida.» Pacchioli relatia era che sia motivaziun hagi pitiu, stuevi el gie sedumandar con ditg che tala restricziun impedeschi el en sia lavor. Culs concerts a Sumvitg ei succediu la deliberaziun ed el di: «Jeu seleglel da puspei s'entupar cun miu publicum. La tribuna ei il plaz digl artist nua ch'el sa s'exprimer.»

Las bunas tratgas da nossas tattas

«Enqualgadas, mumma, tratg jeu ch'jeu stoppi ir al telefon e dumandar: Co fagavas ti las coccas da meila?» La poesia da Flurin Darms ha inspirau l'ustiera dalla Cruna cur ch'ella ha engaschau Mario Pacchioli per dar concert. «Jeu savess gie survir als presents las coccas e las outras spisas ord la cuschina d'antruras. Detg e fatg! Ils presents ein vegni pupergnai suenter concert cun capuns, coccas da carn ed il «Franz en pegna», il qual Darms survegneva surviu da sia mumma. Las coccas da meila ein vegnidas alla fin e gustau ha tut, unend la presentaziun musicala cugl art culinaric. L'occasiun ei gartegiada, ha dustau la fom sin cultura ed empleniu ils maguns dils hospes presents.

Suworow a Pigniu

(fmr/mc) Gievgia, ils 24 da settember alas 18.30 ha liug ell'aula dalla scola da Glion la vernissasca dil cudisch «Weltgeschichte auf der Dorfbühne d'Arnold Spescha. A cooperar alla presentaziun vegan sper igl autur Arnold Spescha il historicher Jürg Stüssi-Lauterburg, la presidente comunala da Ilanz/Glion Carmelia Maisen, il deputau Lorenz Alig da Pigniu e la representanta dalla Casa editura Somedia Eva Zopfi-Höfer. Per la moderaziun ei il schurnalist Claudio Spescha responsabels. La serada vegn embellida musicalmein dil Quartet viril da Pigniu sur la direcziun d'Albert Spescha.

Igl october 1799 ha il general Suworow surmuntau cun sia armada russa neu da Dialma (Elm) il pass Pigniu/Veptga, arrivond cun 15 000 schuldati fomentai el vitget da Pigniu che haveva da lezs onns rodund 70 habitonts. L'armada ha caschunau gronda pupira el vitget montagnard. En sesez in eveniment trest. Denton malgrad quei sere-gordan ils idigens cun interess da quella pintga episoda dalla politica mundiala capitada gliez onn silla tribuna dil pign vitg montagnard da Pigniu. Ella interesseschentas denton buca mo ils da Pigniu, anzi era quels dils vits vischinont ch'ein medemamein stai pertuccai, l'entira Surselva e sur quella ora el Grischun, en Glaruna ed en l'ulteriura Sviza. Era ils Russ commemoreshan adina puspei cun intress quella expediun guerrilla dall'armada russa en Sviza. Cun gronda acribia ha igl autur Arnold Spescha perscrutau ils fatgs historics, sfrutau archivs e documents privats, risponden in sia nova publicaziun numerosas historias maneclas cungidas cun anecdotas che vegnan raquintadas en quei connex a Pigniu ed autre. Suenter la prelecziu datti in apero.

cunscients da haver scaffiu in'ovra litterala-musicala da valeta. Il project «Remas» ha ina cintinuazion, el viva e renescha aschiditg ch'ei dat il lungatg romontsch. Igl artist tradescha d'in niev project, il qual seigi in elaboraziun e dedicaus alla litteratura romontscha. Nus essan en marveglias e stein sin spinas per munconza da pazientzia.

La ruptura anetga

La bun'ura divertenta ei ssvanda en in genia. Ina pèrla suenter l'autra ei resuna-